

Brusio, 31 ottobre 1551

Procura da parte della vicinanza di Brusio per la vendita di una rendita di 1 soma di vino allo scopo di riscattare gli obblighi verso la chiesa di S. Vittore di Poschiavo

Il decano, consoli e consiglieri della vicinìa di Brusio danno mandato di procura a ser Dorico fu ser Pedroto de Pescio e a ser Giovanni figlio di Giacomino di Giovanni de Gaspero di Brusio di vendere al miglior offerente una soma di vino che tempo addietro il nobile signor Nicola Cristoforo fu signor Pietro Quadrio di Chiuro aveva legato alla chiesa della beata Trinità di Brusio, e di convertire il ricavato della vendita nella redenzione dell'obbligo della chiesa della santa Trinità di pagare ogni anno alla chiesa di San Vittore di Poschiavo 36 once di cera e dell'obbligo del prete di Brusio di presenziare ai divini uffici del sabato santo nella stessa chiesa di San Vittore.

Mandatum comunis Brusij ad vendendum et pretium venditionis convertendum pro redimendis oneribus erga ecclesiam sancti Victoris de Pusclavio 1551 ultimo octobris.¹

In Nomine Domini amen Anno a Nativitate ipsius Millesimo quingentessimo quinquagessimio primo inditione decima die sabati ultima mensis octobris. Dominus presbiter Antonius de Rebustellis rector curatur ecclesie beate Trinitatis de Bruxio comunis Pusclavij, Johannes filius condam Domenici de Lada dechanus et consul hominum et vicinorum de Bruxio, Dominichus filius condam Petri de la Sala, Johannes filius condam Tonij Boni de Jxepo officiales dictorum hominum et vicinorum de Bruxio, Johannes filius condam Zanoti Petri de Romano, Pedrotus filius condam Tonij de Jxepis procuratores electi et deputati per dictos homines et vicinos de Bruxio ipsius ecclesie beate Trinitatis, Petrus filius condam Johanis de Gaspero, Betinus filius Johanis de Betino, Bernardus filius condam Antonij de Pesio, Johannes filius Zanis de Romano, Jxepus filius condam Zanoti de Nusio et Johannes filius condam Fanchini de Fancheto omnes consiliarii dictorum hominum et vicinorum de Bruxio ac patroni et advocati predictae ecclesie beate Trinitatis de Bruxio agenti suis proprijs nominibus ac nominibus et vice aliorum hominum et vicinorum de Bruxio ac nomine et vice dicte ecclesie beate Trinitatis omni meliori modo via iure et forma quibus melius de iure possint et valent constituerunt et solemniter ordinauerunt ac creant et ordinant suos et dicte ecclesie legitimos procuratores et commissos videlicet discretos et prudentes viros ser Dorichum condam ser Pedroti de Pescio et ser Johanem filium ser Jacobini Johanis de Gaspero de Bruxio presentes et acceptantes ac contentantes, specialiter et expresse procuratorijs nominibus quibus ad alienandum et vendendum somam unam vini alias legati prefate ecclesie per Nobilem virum Dominum Nicholaum Christoforum filium condam Domini Petri de Quadrio de Clurio Vallistelline cuicumque vel quibuscumque persone seu personis emere volenti vel volentibus pro pretio quo poterint ipsi constituti convenire, et ad confitendum habuisse et recepisse quamcumque pecunie quantitatem pro pretio rei vendite a quacumque persona vel personis comuni collegio capitulo et universitate, quod quidem pretium dicti constituentes revera intendunt convertere in propriam utilitatem ipsius ecclesie in hunc modum et in hac forma videlicet ad redimendum ab ecclesia sancti Victoris de Pusclavio onzas treginta sex cerae que solvitur de ficto omni anno predictae ecclesie sancti Victoris de Pusclavio per suprascriptam ecclesiam beate Trinitatis sive per presbiterum curatum ipsius ecclesie. Item ad allevandum et redimendum obligationem quam dictus presbiter curatus habet ipsi ecclesie sancti Victoris eundi omni anno in die sabati sancti ad dictam ecclesiam sancti Victoris ad adiuandum dicere in dicta ecclesia divina officia prout usus est et consuetudo. Item ad obligandum omnia ipsius ecclesie beate Trinitatis et dictorum constituentium bona pignori presentia et futura pro se et suos heredes et ad promittendum de evictione, et ad fieri faciendum in premissis et circha premissa et premissorum quodlibet publicum et autenticum instrumentum rogandum per publicum notarium cum omnibus et singulis clausulis apponi consuetis in huiusmodi infrascriptas venditiones per peritos et doctos tabeliones et prout magis et melius visum fuerit et placuerit ipsis constitutis, et si opus fuerit premissa de causa ad conparendum coram quocumque iudice ecclesiastico vel seculari et generaliter ad omnia et singula gerenda et exercenda que merita causarum et iuris ordo exigunt postulant et requirunt, et prout quilibet verus et legitimus procurator facere et exercere poterat in predictis et circha predicta et quodlibet predictorum necessaria fuerint et oportuna et que ipsimet constituentes facere possent si personaliter interessent, dantes et conferentes ipsi constituentes dictis procuratoribus suis utsupra constitutis plenum liberum et absolutum spetiale et generale mandatum cum plena libera et absoluta spetiali et generali administratione in predictis et circha predicta et quodlibet predictorum, et si talia forent que mandatum exigent spetiale et spetialissimum et si et hic expremi necesse fuisset volentes hec omnia hic pro expressis haberi, promittentes insuper dicti

¹ Scritta sul dorso della pergamena.

constituentes michi notario infrascripto uti publice persone stipulanti et recipienti nominibus et vice omnium eorum quorum interest ad comunio interesse poterat aut posset in futurum se firmum ratum gratum habiturum quicquid in predictis circha predicta et quodlibet predictorum factum gestum venditum et procuratum erit per predictos constitutos sub jpotecha et obligatione omnium suorum bonorum presentium et futurorum, et de iudicato solvendo in iuditio sisti\$ et iudicatum solvi. Actum Bruxij in stupha Dorici de Pescio de Bruxio. Interfuerunt ibi testes ad hec vocati et rogati videlicet Antonius filius condam Johanis Romerij de Toxio de Pusclavio, Antonius filius condam Thome de Lumiate de Pusclavio et Jo. Andreas filius condam Martini olim Stephani de Rebustellis de Grobsoto Vallistelline omnes noti et fide digni.

(ST) Ego Johanes publicus imperialij auctoritate notarius comunis Pusclavij filius condam ser Antonii de Paravicino hoc instrumentum misi et procure rogatus tradidi et per alium² scribere feci et in fidem me subscripsi.

(Archivio parrocchiale cattolico Brusio)

² La calligrafia del notaio che ha steso il documento non è evidentemente quella del notaio sottoscrittore Giovanni Paravicini di Caspano.